

**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

1447

Bosna i Hercegovina			
Kanton Sarajevo			
Skupština Kantona Sarajevo			
22-04-2026			
Organizaciona jedinica	Klasifikacija	Broj	Broj prijeka
09	45	7593	92

n/r Predsjedavajućeg Skupštine Kantona Sarajevo

**Uputiti: Ministarstvu finansija Kantona Sarajevo**

**PREDMET: Primjena Zaključka Vlade Kantona Sarajevo od 02.04.2026. godine i uticaj na izvršenje Budžeta KS za 2026. godinu**

Poštovani,

U skladu sa Poslovníkom Skupštine Kantona Sarajevo, a imajući u vidu Zaključak Vlade Kantona Sarajevo od 02.04.2026. godine kojim se uvode ograničenja u izvršenju budžeta, upućujem sljedeća zastupnička pitanja.

Posebno ističem da je Skupština Kantona Sarajevo prethodno usvojila Budžet Kantona Sarajevo u iznosu od 1.998.591.126,00 KM, kao i Zakon o izvršenju Budžeta za 2026. godinu, na 28. redovnoj sjednici održanoj dana 29.12.2025. godine, te se s pravom postavlja pitanje pravnog, finansijskog i suštinskog opravdanja donošenja ovakvog Zaključka, koji faktički mijenja način izvršenja već usvojenog budžeta.

### **I. OPERATIVNI BUDŽET I ZAKONITOST POSTUPANJA**

1. Šta se podrazumijeva pod pojmom „operativni budžet Kantona Sarajevo“, na koji se poziva Zaključak Vlade.
2. Na osnovu kojeg pravnog akta Vlada Kantona Sarajevo uvodi kategoriju „operativnog budžeta“, imajući u vidu da je Skupština već usvojila Budžet KS i Zakon o izvršenju Budžeta.
3. Da li Zaključak Vlade predstavlja izmjenu načina izvršenja Budžeta bez saglasnosti Skupštine Kantona Sarajevo.

### **II. SAGLASNOST NA ZAPOŠLJAVANJE**

1. Šta konkretno znači odredba da će Vlada davati saglasnost na zapošljavanje isključivo uz dokazivanje nužnosti.
2. Ko utvrđuje kriterije „nužnosti“ i na osnovu kojih parametara.
3. Da li to znači da su ranija zapošljavanja vršena bez stvarne potrebe i mimo objektivnih kriterija.
4. Koliko je zapošljavanja izvršeno u prethodnom periodu bez ovakvih ograničenja i po kojim osnovama.

### **III. OGRANIČENJE PUTNIH TROŠKOVA**

1. Zašto se sredstva za putne troškove ograničavaju na 50% od planiranih.
2. Da li to znači da su putni troškovi u Budžetu za 2026. godinu planirani nerealno i bez adekvatnih analiza.
3. Ko je odgovoran za takvo planiranje.

#### **IV. NABAVKA MATERIJALA**

1. Koji su razlozi za ograničenje izvršenja sredstava za nabavku materijala na 35% planiranih sredstava.
2. Da li je stvarni razlog za ovakvu mjeru nedostatak sredstava u Budžetu Kantona Sarajevo.
3. Da li to znači da je Budžet za 2026. godinu bio nerealno planiran, neodrživ i bez realnog pokrića.
4. Kako će ova mjera uticati na funkcionisanje institucija koje zavise od ovih sredstava.

#### **V. UGOVORENE I DRUGE USLUGE**

1. Koji su razlozi za ograničenje izvršenja sredstava za ugovorene i druge posebne usluge na svega 10% planiranih sredstava.
2. Kako će se realizovati već preuzete obaveze i ugovoreni projekti.
3. Da li ova mjera znači odustajanje od određenih projekata ili njihovo odgađanje.
4. Da li ovakvo postupanje ukazuje na ozbiljne probleme u planiranju i upravljanju budžetom.

#### **VI. PRODUŽENJE ROKOVA PLAĆANJA I UTICAJ NA PRIVREDU**

1. Šta konkretno znači obaveza pregovaranja sa dobavljačima u cilju produženja rokova plaćanja.
2. Na koje ugovore i projekte se ova mjera odnosi.
3. Da li se ova mjera odnosi i na kapitalne projekte, uključujući projekte poput rekonstrukcije tramvajske pruge.
4. Koliki je trenutni iznos obaveza Kantona Sarajevo prema dobavljačima (ukupan dug).
5. Koliko iznosi prosječno kašnjenje u plaćanju obaveza.
6. Kakav će uticaj ove mjere imati na privredu Kantona Sarajevo i likvidnost kompanija koje saraduju sa javnim sektorom.
7. Kako će produženje rokova plaćanja uticati na unutrašnji dug Kantona Sarajevo.

#### **ZAKLJUČAK**

Ovakav Zaključak Vlade Kantona Sarajevo otvara ozbiljna pitanja zakonitosti, planiranja i upravljanja javnim finansijama.

Ukoliko se nakon usvajanja Budžeta uvode ograničenja izvršenja sredstava u rasponu od 10% do 50%, postavlja se osnovano pitanje da li je Budžet uopšte bio realan ili je svjesno planiran bez stvarnog pokrića.

Dodatno zabrinjava činjenica da se teret lošeg planiranja prebacuje na institucije, dobavljače i privredu, kroz ograničavanje sredstava i produženje rokova plaćanja.

Očekujem da Ministarstvo finansija dostavi jasan, precizan i dokumentovan odgovor, sa svim relevantnim finansijskim pokazateljima i analizama.

**S poštovanjem,**

Sebija Izetbegović

